



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱԶԳ. ԵՐԵՍՓՈԽԱՆԱԿԱՆ ԺՈՂՈՎԸ ՔՆՆԱՐԿԵՑ ԹԵՄԱԿԱՆ ԱՇԽԱՏԱՆՔՆԵՐՈՒ ԸՆԹԱՑՔԸ

Արեւմտեան մեր Թեմի Ազգային Երեսփոխանական Ժողովը Երեքշաբթի, 30 Նոյեմբերի երեկոյեան, յատուկ նիստ մը գումարեց Ազգ. Առաջնորդարանի «Տիգրան եւ Չարուհի ՏԵՐ Ղազարեան» սրահին մէջ, նախագահութեամբ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի, զեկուցում մը լսելու համար Ազգային Առաջնորդարանի յարկին ու հովանիին տակ տարուող աշխատանքներուն մասին եւ քննարկելու անմիջական հարցեր ու աշխատանքի յաւելեալ բարելաւման միջոցներ:

Ներկայ էին Ազգ. Կեդրոնական Վարչութեան անդամ Տիար Խաժակ Տիքիճեան, Կրօնական Ժողովի, Ազգային Վարչութեան անդամներ, Ազգ. Երեսփոխանական Ժողովի անդամներուն մեծ մասը եւ եկեղեցիներու հոգաբարձութեանց ատենապետներն ու ներկայացուցիչները: Ներկայ էին նաեւ Ազգ. Վարժարաններու Խնամակալ Մարմինի ներկայացուցիչները:

Նիստին բացումը տեղի ունեցաւ ժամը 7:30ին, Առաջնորդ Սրբազանին աղօթքով: Իր բացման խօսքին մէջ, Առաջնորդ Սրբազանը յիշեցում կատարեց, որ այս նիստը տեղի կ'ունենայ Ազգ. Երեսփոխանական Ժողովի թելադրանքով, ծանօթանալու համար Առաջնորդ Սրբազանին, Կրօնական Ժողովին ու Ազգային Վարչութեան անցեալ 6 ամիսներու աշխատանքներուն ընթացքին ու արդիւնքին, ինչպէս նաեւ խորհրդակցութիւն ունենալու կարգ մը անմիջական հարցերու մասին: Ան վեր առաւ երեսփոխաններուն դերն ու առաքելութիւնը, իբրեւ լծակիցներ Ազգ. Վարչութեան ու ծխական շրջաններու հոգաբարձութեանց: Ապա, ան հրաւիրեց Ազգ. Վարչութեան ատենապետուհին՝ Տիկին Ռիմա Պօղոսեանը, որպէսզի վարէ ժողովը:

Տիկին Ռ. Պօղոսեան եւս ողջունեց հրաւիրեալներուն ներկայութիւնը, յոյս յայտնելով, որ խորհրդակցութիւնները պիտի ըլլան շինիչ ու արդիւնաւոր: Ան հրաւիրեց Տիար Խաժակ Տիքիճեանը, որպէսզի արտասանէ իր խօսքը:

Տիար Տիքիճեան եւս վեր առաւ երեսփոխանական ժողովի անդամներուն դերը՝ Ազգ. Առաջնորդարանի թէ ծխական շրջաններու աշխատանքներուն բարելաւման դիտանկիւնէն, նշելով, որ երեսփոխաններ սերտօրէն կը գործակցին հոգաբարձութեանց հետ, մանաւանդ, որ

շրջաններուն ծաղկումն ու բարելաւումը կը կարօտին բոլորին միացեալ աշխատանքներուն:

Նկատի ունենալով, որ սոյն նիստը առաջինն էր Ազգ. երեսփոխանական ժողովի 38րդ նստաշրջանէն ասդին (գումարուած՝ անցեալ Մայիսի կիսուն), Տիկին Ռ. Պօղոսեան ժողովականներուն ծանօթացուց Ազգ. Վարչութեան կազմն ու դիւանին անդամները: Այնուհետեւ, ժողովին հակիրճ զեկուցումներ ներկայացուեցան Առաջնորդ Սրբազանին, Կրօնական ժողովին ու Ազգ. Վարչութեան բարոյական ու նիւթական գործունեութեան մասին: Տեղեկագիրները կ'ընդգրկէին նաեւ Ազգ. Վարժարաններու հնամակալ Մարմինին աշխատանքներուն զեկուցումը:

Մեկնելով ներկայացուցած տեղեկութիւններէն, ներկաները ուղղեցին լուսաբանական հարցումներ, որոնց հանգամանօրէն պատասխանեցին Առաջնորդ Սրբազանը, Ազգ. Վարչութեան ու հնամակալ Մարմինի անդամներ: Խորհրդակցութիւնը ընդգրկեց տնտեսական ընդհանուր տագնապին հետեւանքները՝ ծխական շրջաններու եւ Ազգային Վարժարաններու կացութեան վրայ, ինչպէս նաեւ դժուարին հանգրուանը յաւելեալ ճիգերով ու սերտ գործակցութեամբ շրջանցելու միջոցները: Շեշտուեցաւ նաեւ մեր վարժարաններուն մէջ կրօնական դաստիարակութիւնն ու հայեցի կրթութիւնը աւելի եւս բարելաւելու անհրաժեշտութիւնը:

Աւարտին, Առաջնորդ Սրբազանը ներկաներուն ուշադրութիւնը հրաւիրեց կարգ մը ծրագիրներու եւ առաջադրանքներու վրայ: Այս ծիրին մէջ, ան յիշեցուց, որ Ազգ. Առաջնորդարանին մօտ կը գտնուին Ս. Աթոռոյս կողմէ հրատարակուած՝ հնաւանդ «Նարեկ» մատեանի մէկ գեղատիպ հրատարակութենէն օրինակներ, որոնք տրամադրելի են հաւատացեալներուն: Ան նաեւ յոյս յայտնեց, թէ աւելի քան ամիս մը ետք, Ս. Ծննդեան աւանդական ընթրիքին օրը, ժողովականներն ու ազգայիններ տօնական մթնոլորտի մէջ վերագտնեն գիրար:

Տիկին Ռ. Պօղոսեան շնորհակալութիւն յայտնեց ժողովականներուն, իրենց ներկայութեան ու քննարկումներուն մասնակցութեան համար:

Ժողովը վերջ գտաւ ժամը 9ին, Առաջնորդ սրբազանին առօրքով ու «Կիլիկիա» երգով:

SPECIAL SESSION OF THE REPRESENTATIVES ASSEMBLY HELD AT THE PRELACY

On Tuesday, November 30th, 2010, a special session of the Representatives Assembly convened at the Prelacy "Dikran and Zarouhie Der Ghazarian" Hall presided over by H.E. Archbishop Moushegh Mardirossian, Prelate.

In attendance were Central Executive Council member Mr. Khajag Dikijian, Religious and Executive Council members, Delegates, Boards of Trustees Chairmen and representatives, and members of the Board of Regents.

The assembly began with the invocation by the Prelate. In his remarks, the Prelate noted that the session was called to assess the activities of the Prelacy and its parishes in the last six months since the 38th Representatives Assembly which was held in May, and to hear proposals and recommendations for the future. He then invited Executive Council Chair Mrs. Rima Boghossian to head the meeting.

Mrs. Boghossian expressed her wish for the meeting to proceed smoothly and for a fruitful outcome. She then invited Mr. Dikijian to address the assembly.

Mr. Dikijian spoke of the important role delegates play in the advancement of our churches, in collaboration with the Board of Trustees of their respective parishes.

Given that it was the first meeting of the delegates since May, Mrs. Boghossian first introduced the Executive Council, which was elected at the 38th Assembly. The six month activity reports of the Prelate, Religious and Executive Councils, and Board of Regents were then presented, as well as the financial report.

A question and answer session followed, along with discussions on a number of topics and primarily on financial difficulties of our churches and schools resulting from the global economic crisis. Special emphasis was given to strengthening religious and Armenian education in Prelacy Schools.

In conclusion, the Prelate brought to the delegates' attention a few upcoming events and planned projects. He reminded them of the limited edition illustrated Nareg prayer book published by the Catholicosate of Cilicia, which is available for purchase, and of the upcoming New Year and Christmas Dinner.

Mrs. Boghossian thanked the attendees for their participation, and the meeting came to a close with the Prelate's benediction and the singing of the Cilician anthem.